

Broj: 04/2-02-19-693/22, 04/2-02-19-694/22
Sarajevo, 8.11.2022. godine

Pravni osnov za donošenje Pravilnika o zabrani korištenja sredstava i metoda za ubijanje ptica i lov iz prevoznih sredstava je član 94. stav 1. je Zakon o zaštiti prirode ("Službene novine Federacije BiH" broj 66/13), i član 83. stav (1) za Pravilnik o zabrani korištenja sredstava za hvatanje ili ubijanje divljih vrsta te načina prijevoza, te člana 81. Pravila i postupaka za izradu zakona i drugih propisa Federacije („Službene novine Federacije BiH“, broj:71/14), federalna ministrica okoliša i turizma donosi:

ODLUKU

o konsultacijama o tekstu prednacrt

Pravilnika o zabrani korištenja sredstava i metoda za ubijanje ptica i lov iz prevoznih sredstava i Pravilnika o zabrani korištenja sredstava za hvatanje ili ubijanje divljih vrsta te načina prijevoza

1. Prednacrt Pravilnika o zabrani korištenja sredstava i metoda za ubijanje ptica i lov iz prevoznih sredstava, će se u skladu sa odredbama člana 9. Uredbe o pravilima za učešće zainteresirane javnosti u postupku pripreme federalnih pravnih propisa i drugih akata postaviti na web stranicu Federalnog ministarstva okoliša i turizma.
2. Prednacrt Pravilnik o zabrani korištenja sredstava za hvatanje ili ubijanje divljih vrsta te načina prijevoza, će se u skladu sa odredbama člana 9. Uredbe o pravilima za učešće zainteresirane javnosti u postupku pripreme federalnih pravnih propisa i drugih akata postaviti na web stranicu Federalnog ministarstva okoliša i turizma
3. Rok za dostavljanje komentara je navedenog zakona je 7 dana od dana objavljivanja na web stranici fmoit.gov.ba.
4. Prednacrti navedenih pravilnika će se u skladu sa odredbama čl.11. i 12. Uredbe o pravilima za učešće zainteresirane javnosti u postupku pripreme federalnih pravnih propisa i drugih akata dostaviti svim zainteresiranim stranama u postupku Federalnoj upravi za inspekcijske poslove, Federalnom ministarstvu finansija, Federalnom ministarstvu pravde, Uredu za zakonodavstvo i usklađenost sa propisima EU, svim resornim kantonalnim ministarstvima i Savezu gradova i općina.

Dostaviti:

- Naslovu
- Arhivi.



Na osnovu člana 83. Zakona o zaštiti prirode ("Službene novine Federacije BiH" broj 66/13), ministrica Federalnog ministarstva okoliša i turizma donosi

PRAVILNIK
O ZABRANI KORIŠTENJA SREDSTAVA ZA HVATANJE ILI UBIJANJE DIVLJIH
ŽIVOTINJSKIH VRSTA TE NAČINA PRIJEVOZA

Član 1.
(Predmet)

Ovim pravilnikom utvrđuje se zabrana upotrebe sredstava koji su sposobni uzrokovati lokalni nestanak, ili ozbiljno ugroziti populaciju divljih biljnih i životinjskih vrsta u pogledu branja, hvatanja ili ubijanja i u slučajevima gdje je primijenjeno ograničavanje za branje, hvatanje ili ubijanje vrsta, upotrebu sredstava za hvatanje ili ubijanje, kao i bilo koji oblik hvatanja ili ubijanja te načina transporta.

Član 2.
(Pozivanje na direktive Europske unije)

- (1) Ovim pravilnikom preuzimaju se odredbe Priloga VI. Direktive Vijeća 92/43/EEZ od 21. svibnja 1992. o očuvanju prirodnih staništa i divlje faune i flore, (SL L 206, 22.7.1992.), koja je izmijenjena sa Council Directive 97/62/EC of 27 October 1997 (*) (Ovaj akt nije nikada objavljen na hrvatskome), Uredbom (EZ) br. 1882/2003 Europskog parlamenta i Vijeća od 29. rujna 2003. o prilagodbi odredbi u vezi s odborima koji pomažu Komisiji u obavljanju njezinih provedbenih ovlasti predviđenih aktima koji podliježu postupku iz članka 251. Ugovora o EZ-u.
- (2) Navođenje odredaba direktiva iz stava (1) ovog člana vrši se isključivo u svrhu praćenja i informiranja o preuzimanju pravne stečevine EU-a u zakonodavstvo BiH.

Član 3.
(Zabrana sredstava za upotrebu hvatanja ili ubijanja životinja)

Posebno se zabranjuju sljedeća sredstva za korištenje za lov sisara:

- slijepce ili osakaćene životinje koje se koriste kao živi mamci;
- magnetofoni;
- električne i elektroničke ubojite ili omamljujuće naprave;
- umjetni izvori svjetlosti;
- ogledala i ostale zasljepljujuće naprave;
- naprave za osvjetljivanje meta;
- optički nišani za noćni lov s mogućnošću elektronskog povećavanja ili pretvaranja slike;
- eksplozivi;
- mreže koje su načelno ili prema uvjetima upotrebe neselektivne;
- zamke koje su načelno ili prema uvjetima upotrebe neselektivne;

- samoodstrjeli;
- otrovi i otrovni ili omamljujući mamci;
- istjerivanje životinja iz skloništa plinom ili dimom; i
- poluautomatsko i automatsko oružje sa spremnikom koji može sadržavati više od dva naboja.

Član 4.

(Zabrana korištenja sredstava za lov riba)

Posebno se zabranjuje korištenje sljedećih sredstava za lov riba:

- otrov; i
- eksplozivi.

Član 5.

(Zabrana hvatanja ili ubijanja iz sredstava transporta)

Zabranjuju se bilo koji oblik hvatanja ili ubijanja životinja iz sredstava transporta, a posebno iz:

- aviona; i
- motornih pokretnih vozila.

Član 6.

(Stupanje na snagu Pravilnika)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj:

Sarajevo,

MINISTRICA

dr. Edita Đapo

Na osnovu člana 94. stav 1. Zakona o zaštiti prirode ("Službene novine Federacije BiH" broj 66/13), ministrica Federalnog ministarstva okoliša i turizma donosi,

**PRAVILNIK
O ZABRANI KORIŠTENJA SREDSTAVA I METODA ZA UBIJANJE PTICA I LOV
IZ PREVOZNIH SREDSTAVA**

**Član 1.
(Predmet)**

Ovim pravilnikom utvrđuje se zabrana bilo kakvih sredstava ili metoda za široko i neselektivno zarobljavanje ili ubijanje ptica ili kojima bi se uzrokovalo lokalno nestajanje ptica, kao i svaki lov iz prevoznih sredstava.

**Član 2.
(Pozivanje na direktive Europske unije)**

(1) Ovim pravilnikom preuzimaju se odredbe Priloga IV. Direktive 2009/147/EZ Europskog Parlamenta i Vijeća od 30. studenoga 2009. o očuvanju divljih ptica (kodificirana verzija), SL L 20, 26.1.2010., str. 7–25. koja je izmijenjena i dopunjena sa Uredbom (EU) 2019/1010 Europskog parlamenta i Vijeća od 5. lipnja 2019. o usklađivanju obveza izvješćivanja u području zakonodavstva povezanoga s okolišem te o izmjeni uredaba (EZ) br. 166/2006 i (EU) br. 995/2010 Europskog parlamenta i Vijeća, direktiva 2002/49/EZ, 2004/35/EZ, 2007/2/EZ, 2009/147/EZ i 2010/63/EU Europskog parlamenta i Vijeća, uredaba Vijeća (EZ) br. 338/97 i (EZ) br. 2173/2005 te Direktive Vijeća 86/278/EEZ (Tekst značajan za EGP), koju je ispravio: Ispravak, SL L 75, 19.3.2015, str. 20 (2009/147/EZ).

(2) Navođenje odredaba direktiva iz stava (1) ovog člana vrši se isključivo u svrhu praćenja i informiranja o preuzimanju pravne stečevine EU-a u zakonodavstvo BiH.

**Član 3.
(Zabrana sredstava za lov)**

U skladu sa članom 94. Zakona o zaštiti prirode (u daljem tekstu: Zakon), zabranjuje se korištenje bilo kakvih sredstava ili metoda za široko i neselektivno zarobljavanje ili ubijanje ptica ili kojima bi se uzrokovalo lokalno nestajanje vrsta, a posebno:

- zamke, ljepila, udice, žive ptice koje su slijepa ili osakaćene i koriste se kao mamac, magnetofoni naprave za ubijanje ili omamljivanje strujom;
- umjetni izvori svjetla, ogledala, naprave za osvjetljenje meta, optički nišani za noćni lov s mogućnošću elektronskog povećanja ili pretvaranja sloke;
- eksplozivi;
- mreže, klopke, otrovi ili omamljujući mamci;

- poluautomatsko i automatsko oružje sa spremnikom koji može sadržavati više od dva naboja municije.

Član 4.

(Zabrana korištenja prijevoznih sredstava za lov)

U skladu sa članom 94. Zakona, zabranjuje se svaki lov iz prevoznih sredstava, a posebno:

- zrakoplovi i motorna vozila;
- čamci koji se kreću brzinom preko pet kilometara na sat. Na otvorenom moru može se iz sigurnosnih razloga odobriti upotreba motornih čamaca maksimalne brzine 18 kilometara na sat.

Član 5.

(Stupanje na snagu Pravilnika)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj:

Sarajevo,

MINISTRICA

dr. Edita Đapo